

畿輔通志卷二百五

列傳十三 宋一

宋

順天府

田重進

劉審瓊

李懷忠

張鑑

馬知節

許驥

許袞

楊崇勳

劉紹榮

趙振 子珣 璞

張玉

田偉

馬湘

李湊頤

張世傑

保定府

劉文質

父審琦 子渙 滬

楊文詡

盧之翰

程元白

從祖羽

叔父象

子琳

孫全照

齊恢

董元亨

張述

許介

永平府

陳若拙

河間府

李璘

楊信

弟嗣

李罕澄

皇甫繼明

王繼升

子昭遠

周瑩

高珪

劉摯

子跂

張慤

權邦彥

龔夬

弟大壯

牟大壯

聶湖

天津府

賈黃中

父珪

索湘

張疑

子昭遠

胡元興

張知白

崔諒

吳及

李之純弟之儀

邢希載

正定府

李至

王化基子舉正舉元孫詔

牛思進

曹璨弟瑋葛懷敏父霸

賈昌朝

弟昌衡
從子炎

高化

賈逵

劉昌祚

父賀

曹佾

子評誘
從弟偕

劉絢

楊粹中

智浹

韓元龍

王興

順德府

劉知信

子承宗

陳薦

成閔

范炎

宋

順天府

田重進幽州人周顯德中應募爲卒隸太祖麾下從征契丹至陳橋還遷御馬軍使積功至灤州刺史太平興國四年從征太原擢天德軍節度改領靖難軍節度雍熙中出師北征重進伏兵飛狐南口擒契丹驍將大鵬翼監軍馬贊副將何萬通等連下飛狐靈州等城進攻蔚州其牙校李存璋等殺酋帥來降會曹彬師不利乃命重進董師駐定州遷定州駐泊兵馬都部署三年率師克遼祁溝關厯彰信軍節度正定尹成德軍節度移京兆尹永興軍節度改知延州復還鎮至道三年卒年六十九贈侍中太宗居藩邸時嘗遺以酒炙不受使者曰此晉王賜也何爲不受重進曰爲我謝晉王我知有天子耳太宗嘉其樸忠終始委遇焉子守信六宅使守吉

閩門祇候史

劉審瓊涿州人漢相陰公鎮彭門審瓊隸帳下周祖受命遁去依永興軍節度劉詞頗委任之詞卒屬太祖節鎮給事左右及受禪補殿直從平澤潞改供奉官累遷至軍器庫使出知鎮州太宗征河東駐蹕月餘儲侍無關遷檀州刺史知潭州州素多火日調民積水爲防民甚勞之審瓊至悉罷之以爲民便徙知河陽以衰老改坊州刺史至道三年卒官孫爽進士及第後爲祠部員外郎祕閣校理

宋史

李懷忠涿州人初名懷義太祖掌禁兵時隸帳下累遷殿前都指揮使都虞候領開州刺史乾德中授東西班都指揮使改領富州從征晉陽身先士卒搏戰中流矢戰益力還授散指揮使尋遷富州團練使改日騎左右廂都指揮使上幸西

京欲留都之懷忠曰東京有汴渠之漕歲致江淮米數百萬斛禁衛數十萬人仰給於此帑藏重兵皆在焉臣實未見遷徙之利上嘉納之太宗卽位改領本州防禦使稍遷侍衛步軍都虞候領大同軍節度改步軍都指揮使卒贈侍中

宋史

張鑑字德明涿州人瀛州團練使藏英之孫太平興國三年進士除大理評事累官監察御史奉詔決獄江左頗雪冤滯累遷左諫議大夫戶部使咸平初以工部侍郎出知廣州居二年民條其政績上請刻石三年移知郎州溪洞羣蠻皆俯伏聽命徙知相州卒子廉爲殿中丞士宗太子洗馬士程屯

田員外郎

涿州志

馬知節字子元薊州人贈檢校太保大同軍節度使全義子

宋史七歲而孤太祖哀之召見命送國子學

玉壺清話

太宗時以廢

補官年十八監彭州兵衆憚之如老將改潭州慕州守何承矩儒雅折節讀書雍熙間護兵博州契丹入邊以有備引去徙知定遠軍倡議餼粟之紅腐者獲五十萬斛分給諸屯遂省河南輸餉之役厯知深州慶州遷西京作坊使改知梓州詔與劉繼恩同討賊繼恩惡知節不附已付羸兵三百遣守彭州至彭賊十萬來攻知節力戰竟日橫槊潰圍出遲明援兵至復鼓噪入賊遂潰去授益州鈐轄加益漢九州都巡檢使遷內園使率兵三百討平劉盱之亂咸平初領登州刺史知秦州州所質羌酋支屬悉縱還之羌人悅服有銀鑛久竭而課額弗除知節三上疏請蠲之遷西上閣門使知益州兼本路轉運使蜀物之輸也以部舟載而籍富民以挽舟民病之知節請以省校代而區其程途蜀困稍紓厯知延鎮定州

累遷宣徽北院使兼樞密副使時王欽若爲樞密使知節薄
其爲人每面詆之出爲潁州防禦使知潞州移知天雄軍召
拜宣徽南院使知樞密院事以疾乞歸卒贈侍中諡正惠宋史
許驤字克升薊州人祖信父唐世以財雄邊郡後唐之季唐
知契丹將擾邊潛齎百金而南居睢陽娶李氏女生驤風骨
秀異十三能屬文太平興國初廷試擢甲科通判益州雍熙
二年官江南轉運副使洪吉供運船因水毀物主吏懼罪故
覆舟鞠獄者按以欺盜當流死者數百人驤往訊得情獲寬
減端拱初以兵部郎中領西川轉運使擢右諫議大夫知益
州召歸上言蜀民浮窳易搖宜擇忠厚者撫之爲預備旣而
李順叛衆服其先見命知審官院遷御史中丞真宗卽位改
兵部侍郎出知單州卒年五十七贈工部尙書子宗壽後爲

殿中丞

宋史

許袞字公儀燕人雍熙中爲均州防禦判官以能擢右贊善大夫判薊州時江南始歸朝廷宿政夢如袞善理之就進殿

中丞

雍正志

楊崇勲字寶臣薊州人祖守斌父全美皆爲指揮使崇勲以父任爲東西班承旨事真宗於東宮真宗聞其嗜學授以書遂稍通兵法及前代興廢事累遷英州防禦使兼馬軍都虞候并代州馬步軍副都總管留爲客省使領羣牧使發周懷政傳位太子謀逆授桂州觀察使仁宗卽位以彰德節度觀察留後知陳州累遷宣徽南院使進樞密使因上章懿冊不至被劾以同平章事河陽三城節度使判許州翌日改陳州景祐初懷政家人訟冤罷同平章事厯知壽亳陳三州以邊

警復拜同平章事判定州以老徙成德軍又徙鄭州坐子宗誨納賕枉法以左衛上將軍致仕改太子太保卒贈太尉諡

恭毅

宋史

劉紹榮燕人官成都都巡檢使

宋史雷德驤傳

咸平三年益州軍變

宋史真宗本紀

成都官吏聞變皆奔竄紹榮獨持刃格鬪力屈被執

欲奉爲帥紹榮罵曰我豈能與汝同逆汝亟殺我我豈肯負

朝廷哉賊乃奉都虞候王均爲王紹榮自經死

宋史雷德驤傳

趙振字仲威雄州歸信人景德中從石普於順安軍獲契丹

陣圖授三班借職遷隰州兵馬監押捕盜青灰山殺獲甚衆

高平蠻叛徙湖北都巡檢使兼制置南路以南方暑溼弓弩

不利別創小矢能及三百步中輒洞穿蠻遂駭散遷慶州沿

邊都巡檢使時金湯李欽白豹神木馬兒高羅跋臧三族尤

悍振募降羌昭以利令相攻破十餘堡

宋史

欽等遂來歸振爲

置酒取細仗分置百步外共射振十矢皆貫欽等驚誓不復

犯

宏簡錄

明年涇原屬羌胡薩逋歌等叛鈐轄王懷信以兵數

千屬振游奕屢捷嘗從數十騎詣懷信遇賊十倍射殪數十

遂卽潰散未幾賊數萬圍平遠砦都監趙上龍戰沒振出別

道力戰抵砦奪取水泉遂解圍復追斬數千級徙涇原都監

數遷至京東都大提舉捉賊明年知環州

宋史

加領象州防禦

使

宏簡錄

元昊將反爲金銀冠佩飾甲騎遺屬羌振潛以金帛

誘取之得冠佩銀鞍三千甲騎數百告鄰部早爲備不聽於

是東菱金明萬劉諸族兵數萬悉爲賊有劉平等亦皆敗惟

環慶無患擢龍神衛四廂都指揮使廊延路副都總管知延

州尋改捧日天武四廂都指揮使賊寇塞門砦振擁兵幾八

于不往救砮被圍五月乃陷砮主高延德監押王繼元皆沒
於賊貶白州團練使知絳州未行延德繼元家復訴於朝敕
御史方偕就核再貶太子左清道率府潭州安置踰年復右
武衛將軍惠州團練使并代路兵馬鈐轄就遷副總管邠州
圍練使元昊破豐州謀襲近砮振率鈐轄張亢麥允言出麟
州深柏堰擊敗之兼領嵐憲六州軍事河外饑振設法通商
得米數十萬斛進博州防禦使改解州致仕復起爲左神武
軍大將軍卒振有武力善騎射尙氣而輕財衆樂爲用子珣
瑜珣年十六仁宗召試便殿授三班借職景祐中復召見閱
武伎又試策畧於中書條對數千言進閣門祇候未幾除濠
州兵馬都監宋史隨父西邊訪得五路徼外形勝利害作聚米
圖經五卷宏簡錄康定二年書成經畧韓琦以聞詔取書召見

執政呂夷簡宋庠言用兵以來策士之言以千數無如珣者

文獻通考珣又上五陣圖兵事十餘篇帝給步騎使列陣旣成臨

觀之擢通事舍人招討都監珣自以年少新進辭都監授兵
萬人賜鎧仗令自擇偏裨參佐居涇原兼治籠竿城床氐党
留百餘帳擾邊珣引兵二萬自靜邊厯揆吳抵水甯襲賊俘
獲數千計靜邊將劉滬後爲賊所掩珣從騎數百拔出之瞎
氐居龕谷無所屬珣與書招之遺以綈絲遂聽命改本路都
監詔追入朝將行適元昊大入府檄留珣會葛懷敏於瓦亭
時懷敏屯五谷口聞夏人徙軍新濠外議欲質明掩襲珣謂
懷敏曰敵遠來其鋒甚銳莫若依馬欄城布柵以扼其路守
鎮戎城以便餉道俟其衰擊之可獲勝不然必敗懷敏不聽
率兵抵定川未及陣夏人引鐵騎來犯東壁兵卒潰中軍大

擾珣率死士力戰夏衆稍卻懷敏走鎮戎夏騎復四合珣被擒瑜以身免珣美風儀性剛勁好學而恂恂類儒者既沒人

多惜之贈莫州刺史瑜弟璞亦知名

宋史案歸信今保定縣雍正志趙振編保定府

誤今據乾隆府廳州縣志改編順天

張玉字寶臣保定人以六班散直隸狄青麾下築青澗招安若遇夏兵三萬玉單騎持鐵簡出關取挑戰者之首及其馬而還軍中因號曰張鐵簡仁宗聞曰真勇將也以爲本路同巡檢從征儂智高抵歸仁驛遇賊率右廂突騎橫貫賊壘賊大潰帝召見使作銳陣於殿庭觀破賊之勢擢廣西鈐轄徙大名進龍神四廂都指揮使爲副都總管諒祚攻大順城玉以兵三千夜擊卻之累遷昭州防禦使徙涇原熙甯中慶州卒叛玉追襲於石門卒遂降玉殺其降者二百人坐奪職改

陵州團練使尋復職王詔開熙河王以宜州觀察使爲副都

總管入爲馬步軍都虞侯卒贈建雄留後

宋史

田偉燕人爲江陵尉因家焉作傳古堂藏書五萬七千卷無重複者黃魯直曰吾校中秘書及徧遊江南文士圖書之富

未有過田氏者

雍正志

馬湘順州人鄉進士種學績文有聲當世

雍正志案本傳不詳年代姑從雍

正志次田偉後

李淳頤字子陰香河人知祥符縣熙甯中青苗法行計息不

及則黜降諸邑爭以多爲貴祥符獨貸三之一安石怒謫廣

信通判後官至刺史

雍正志

張世傑范陽人少從張柔成杞有罪遂奔宋隸淮兵中阮思聰見而奇之言之呂文德召爲小校累功至黃州武定諸軍

郡統制呂文煥之以襄陽降元也世傑將五千人守鄂州以鐵絙鎖兩城夾以礮弩元軍破新城長驅而前遣人招世傑世傑不納力戰元師不得前元丞相伯顏乃潛舟自唐港入漢東攻鄂鄂降世傑遂提兵入衛道復饒州乃入朝時方徵諸將勤王多不至獨世傑來上下歎異不數月累加至保康軍承宣使總都督府兵遣將取浙西諸郡復平江安吉廣德溧陽諸城遂大出師焦山令以十舟爲方碇江中非有號令毋發碇示以必死元帥阿朮以火箭攻之世傑兵大敗奔圖山疏請濟師不報累遷保康軍節度使召入衛加檢校少保德祐二年元軍迫臨安世傑請移三宮入海而背城一戰不從世傑乃提兵入定海石國英遣都統下彪來說降世傑以爲彪來從己也椎牛享之酒半彪從容爲言世傑大怒斷其

舌磔之

宋史

益王昀自温州召世傑世傑遂率兵之溫奉是爲

天下兵馬都元帥廣王昀副之遂入閩與陳宜中等立昀於

福州改元景炎宜中爲左丞相世傑爲樞密副使

宋史二復王本紀

潮州及邵武軍奉帝居潮州之淺灣元復陷邵武入福州帝

奔井陘遂崩世傑奉昀爲帝改元祥興徙居碭州復徙居厓

山厓山在新會縣南八十里巨海中與奇石山相對立如兩

扉世傑以爲天險可阨以自固故奉帝駐之加越國公二年

正月張洪範襲厓山世傑下令焚行朝草市結大船于餘碇

海中四周起樓棚如城堞奉帝居其間爲死守計人皆危之

厓山北淺舟不可進洪範由東轉而南入大洋與世傑師相

遇薄之世傑舟堅不能動洪範乘風縱火焚之世傑戰艦皆

塗泥傅長木以拒火火無如之何洪範乃使世傑甥韓某招